



La Musica Greina Vrin ha accompignau solemnamein la processiun e divertiu la raspada d'ont igl aperitiv sin piazza cadruvi.

FOTOS M. CABALZAR



Engraziament per lur engaschi en favur dalla pleiv: Pina e Rest Fidel Arpagaus-Furger ed Antonia Elvedi-Caduff (da sen.).

Il Cor da Maria – fiasta da perdانونza a Cumbel

■ (mc) Dumengia ha l'anteriura pleiv caputschina da Cumbel che fa oz part dalla pleiv fusiunada da Lumnezia festivau sia perdانونza – il Cor da Maria. Era sche la participaziun ha pitiu grondamein el decours dils davos onns ei la fiasta ecclesiastica tonaton vegnida festivada a moda digna e festiva, cun processiun e parada. El survetsch divin celebraus dil plevon sur Dirk Jasinki ed assistitus dil plevon gionter Albert Riederer ella baseglia paro-

chiala da s. Stefan e la processiun alla caplutta da Nossadunna entradem il vigei Nossadunna lu era stada el center dalla celebraziun. En siu priedi ha il plevon mess la mudestad e humilitonza, in valur oz onz scarta – el center da sias ponderaziuns. Separicipada cun pre-mura ei era la giuventegna cun parada e bandieras – sch'era numericamein reducida – e las giuunas ch'han purtau la statura da Nossadunna ornada cun tschupi. In tschupi ha era fatg beinvegni als paro-

chians e hosps all'entrada dil santeri. In delerg tut aparti ei s'entelli la participaziun dalla Musica Greina Vrin stada. Sut la direcziun da Corsin Alig ha ella dau ton alla processiun tras il vigei sco cul concert d'ont igl aperitiv sin piazza cadruvi in rom propri festiv. Bien engraziament persuerter!

Suenter che la parada ha purschiu las salvias usitadas als plevons ed al pievel rimnau ha il president dalla pleiv fusiunada da Lumnezia (Cumbel, Suraua,

Lumbrein e Vrin), Alexander Casanova, engraziu a tut quels ch'ei s'engaschai per il beinreussir dalla fiasta da perdانونza. In engraziament special – cum-priu in pign schengherg ed igl invit a genter da fiasta – ha el admiss ad Antonia Elvedi-Caduff, la calustra partenta dalla caplutta da Nossadunna ed anteriura suprastonta da pleiv ed als consorts Rest Fidel e Pina Arpagaus-Furger per lur meriteivel engaschi en favur dalla pleiv. A Rest Fidel sco anteriur e davos presi-

dent dalla pleiv da Cumbel ed actual secretari dalla pleiv fusiunada ed a sia dunna Pina che ha schubergiau las baseglias da Cumbel e Peiden e giu quitaun per la decoraziun dallas fluras. El medem moment ei il parsura dalla pleiv era staus satisfatgs da communicar che la pleiv hagi eligiu ils consorts Toni ed Irma Arpagaus-Cabalzar sco novs calusters per Cumbel e Peiden. Als parentis bien engraziament ed als novizs ina buna entschatta!